



Samnanger kommune

Sekretariat for kontrollutvalet

Vår referanse	2020/78-3
Dato	20.04.2020

Kommunestyret

Val av revisor for Samnanger kommune - tilråding frå kontrollutvalet

Vedlagt følger vedtak frå kontrollutvalet si behandling i sak PS 13/20 i møte 14. april.

Med helsing

Hogne Haktorsen
kontrollsjef

Einar Kåre Ulla
seniorrådgjevar

Brevet er elektronisk godkjent og har difor ingen handskriven underskrift

Kopi til:
Ordførar
Leiar i kontrollutvalet



Samnanger kommune

Sekretariat for kontrollutvalet
 Saksframlegg

 Saknr: 2020/78-2
 Saksbehandlar: Einar Kåre Ulla

Saksgang

Utv	Utv.saksnr.	Møtedato
Kontrollutvalet i Samnanger kommune	13/20	14.04.2020

Val av revisor for Samnanger kommune - tilråding frå kontrollutvalet

Forslag til innstilling

Kommunestyret i Samnanger kommune vel.....som revisor frå 01.07.2020 til 30.06.2024

Saksprotokoll i 14.04.2020 - Kontrollutvalet i Samnanger kommune
Handsaming i møte

Sekretariatet presenterte i møte 14.04.2020 munnleg forslag til val av revisor for Samnanger kommune for perioden 01.07.2020 - 30.06.2024 med grunngjeving i høve til dei tre tildelingskriteria i konkurransegrunnlaget.

Forslag til innstilling vart samrøystes vedteken

Innstilling

Kommunestyret i Samnanger kommune vel BDO AS som revisor frå 01.07.2020 til 30.06.2024

Samandrag

Sekretariatet har gjennomgått og evaluert dei innkomne tilboda og resultatet av dette arbeidet vart lagt fram i arbeidsmøte 06.03.2020. I dette møte, 14.04.2020, skal kontrollutvalet vedta innstilling på val av revisor for kommunen. Avtaleperiode er 01.07.2020 til 30.06.2024. Innstillinga frå kontrollutvalet går vidare til kommunestyret, som gjer endeleg vedtak i saka.

 Hogne Haktorson
 Kontrollsjeff

 Einar Kåre Ulla
 seniorrådgjevar

Saksframlegget er godkjent elektronisk og har difor ingen handskriven underskrift
Saksutgreiing

Bakgrunn for saka

Kommunestyret i Samnanger kommune vedtok 03.06.2019 at kontrollutvalet kunne starte prosess med konkurranseutsetjing og gjorde slikt vedtak i PS 023/2019:

«Kontrollutvalet får fullmakt til å gjennomføre ny konkurranse for kjøp av revisjonstenester. Tidsramma må leggjast slik at den som vert valt ut frå konkurransen, er revisor fom. 01.07.2020.

Fullmakta omfattar gjennomføring av heile prosessen, herunder:

- a. Utarbeiding og godkjenning av tilbodsdokument.*
- b. Knytta til seg naudsynt ekstern hjelp.*
- c. Vurdera mottekne tilbod og innstila overfor kommunestyret på val av revisor.»*

Konkurransegrunnlaget vart vedteke i møte i kontrollutvalet 07.10.2019.

Konkurransegrunnlaget legg også til grunn at tildeling av kontrakt vil skje på grunnlag av best forhold mellom pris og kvalitet, der ein tek omsyn til følgjande kriterium:

- 40 % Pris (fastpris og timepriser)
- 30 % Kvalitet (Løysing av oppdraget)
- 30 % Kompetanse

Vedtakskompetanse

Det er kontrollutvalet som har vedtakskompetanse til å gjennomføre prosess med konkurranseutsetting av revisjonstenestene og lage innstilling til kommunestyret på val av revisor, medan det er kommunestyret sjølv som gjer vedtak, jf. kommunelova § 24-1.

Vurderingar og verknader

Anbudsfristen gjekk ut 13.01.2020 kl. 12.00 for tilbod på kjøp av revisjonstenester for Samnanger kommune for perioden 01.07.2020 til 30.06.2024. Ved utløpet av fristen var det kome inn tilbod frå tre tilbydarar. Alle tilbydarane er kvalifiserte og sekretariatet har gjennomgått og evaluert dei innkomne tilboda opp mot valde tildelingskriteria. I dette arbeidet har sekretariatet nytta jurist i innkjøpsseksjonen i Vestland fylkeskommune som rådgjevar. Juristen rapporterer i denne saka til sekretariatet og ikkje til fylkesrådmannen.

Sekretariatet presenterte 06.03.2020 forslag til evaluering av dei innkomne tilboda for kontrollutvalet i møte (arbeidsmøte), under sak PS 9/20.

Evalueringa i arbeidsmøte i kontrollutvalet 06.03.2020, vil utgjere grunnlag for innstillinga frå kontrollutvalet i dette møtet.

Sekretariatet har no førebudd sak til kontrollutvalet der utvalet skal innstille overfor kommunestyret på val av revisor for Samnanger kommune frå 01.07.2020. Det er kommunestyret som skal gjere det endelege vedtaket. Sekretariatet vil i møte 14.04.2020 presentere munnleg forslag til val av revisor for Samnanger kommune for perioden 01.07.2020 - 30.06.2024. Det vil også bli presentert ei grunngjeving i forhold til dei 3 tildelingskriterium som ligg til grunn i konkurransegrunnlaget.

Konklusjon

På bakgrunn av det som kjem fram i dette saksframlegget, og ut frå det som vert presentert i møtet, og arbeidsmøte 06.03.2020, vert kontrollutvalet tilrådd å kome med innstilling til val av revisor for Samnanger kommune frå 01.07.2020 til 30.06.2024.